

**AKHBAR : BERITA HARIAN****MUKA SURAT : 14****RUANGAN : KESIHATAN**

# Jual hasil tembakau di laman sosial salah

**Kuala Lumpur:** Penjualan hasil tembakau menerusi media sosial termasuk Facebook adalah menyalahi undang-undang.

Ketua Pengarah Kesihatan, Datuk Dr Noor Hisham Abdullah berkata tindakan itu menyalahi beberapa peraturan selain membolehkan sesiapa sahaja terutama remaja bawah umur membeli hasil tembakau terutama rokok dengan mudah.

Dalam kenyataan media semalam, beliau berkata antara kesalahan menjual hasil tembakau dalam talian melanggar peraturan

pengiklanan hasil tembakau, mendorong penjualan kepada remaja di bawah umur selain tiada amaran kesihatan bergambar pada bungkusan.

Katanya, orang ramai ingin menjalankan perniagaan dalam talian perlu faham keperluan undang-undang sebelum membuat keputusan mengetengahkan hasil jualan mereka kepada pelanggan.

"Tindakan menjual hasil tembakau dalam talian perlu dikawal agar orang ramai khususnya remaja tidak dapat membeli atau memiliki hasil tembakau dengan

mudah dan murah.

**Penjara 6 bulan**

"Memberi ruang untuk kemudahan mendapatkan rokok adalah punca kepada penularan gejala merokok dalam kalangan remaja dan kementerian akan mengambil tindakan tegas terhadap individu yang melanggar perundangan ini," katanya.

Beliau berkata Mahkamah Majistret Petaling, Petaling Jaya menjatuhkan hukuman denda RM6,000 atau enam bulan penjara terhadap seorang pemuda, berusia 23 tahun

atas kesalahan menjual hasil tembakau melalui akaun laman media sosial, Facebook, dua hari lalu.

Kesalahan pemuda itu dikesan oleh kementerian sekitar Oktober lalu dan pasukan penguat kuasa kesihatan awam dari Jabatan Kesihatan Negeri Selangor (JKNS) ditugaskan untuk menjalankan operasi serbu pada 19 Oktober 2017 di sektor daerah Petaling.

Serbu itu mendapat pelbagai transaksi jualan rokok dalam talian dilakukan pemuda itu, selain harga rokok dijual serendah RM11 kepada pengguna Facebook.



Dr Noor Hisham Abdullah

AKHBAR : BERITA HARIAN

MUKA SURAT : 14

RUANGAN : KESIHATAN



PENCEGAHAN PENYAKIT TIDAK BERJANGKIT

## Beri komitmen tangani NCD: Zahid

TPM mahu kementerian, agensi kerajaan bantu jaya dasar persekitaran hidup sihat

Oleh Irwan Shafriyan Ismail  
irwansha@bh.com.my

Putrajaya

**S**emua kementerian dan agensi kerajaan mesti memberi komitmen penuh kepada pelaksanaan dasar persekitaran hidup sihat bagi menangani peningkatan penyakit tidak berjangkit (NCD).

Timbalan Perdana Menteri, Datuk Seri Dr Ahmad Zahid Hamidi, berkata walaupun Kementerian Kesihatan menerima peruntukan RM27 bilion dalam Bajet 2018, ia belum dapat menampung pengurusan NCD untuk jangka masa panjang jika langkah pencegahan tidak dilaksana.

"Beban penyakit NCD dibincangkan dalam mesyuarat ini menunjukkan trend peningkatan bagi penyakit NCD seperti diabetes, hipertensi, hipercolesterolemia dan obesiti serta meningkatkan kos ra-

watan penyakit.

"Peningkatan kos rawatan di hospital dan klinik swasta menyebabkan rakyat beralih kepada fasiliti kerajaan."

"Kerajaan boleh membina jumlah hospital yang lebih banyak dan meningkatkan jumlah fasiliti dan anggota kesihatan, tetapi tanpa usaha membangunkan dasar ke arah persekitaran hidup sihat dan peranan aktif kementerian dan agensi, mustahil untuk mencegah penyakit NCD dengan berkesan," katanya.

Beliau berkata demikian dalam kenyataan selepas mempengerusikan Mesyuarat Jawatankuasa Kabinet Ke Arah Persekuturan Hidup Sihat (JKPHS) di sini, semalam.

Ahmad Zahid berkata, JKPHS adalah satu-satunya jawatankuasa yang bertindak sebagai medan bagi membincangkan dan mengenal pasti tindakan susulan bagi menangani NCD.

Katanya, mesyuarat JKPHS itu



Kerajaan boleh membina jumlah hospital yang lebih banyak dan meningkatkan jumlah fasiliti dan anggota kesihatan, tetapi tanpa usaha membangunkan dasar ke arah persekitaran hidup sihat dan peranan aktif kementerian dan agensi, mustahil untuk mencegah penyakit NCD dengan berkesan"

**Ahmad Zahid Hamidi**  
Timbalan Perdana Menteri

memfokuskan kepada pelaksanaan dasar ke arah persekitaran hidup sihat yang sudah dipersetujui di peringkat mesyuarat Jemaah Menteri.

### Langkah wajib laksana

"Sebanyak 13 polisi ke arah persekitaran hidup sihat sudah dibincangkan bagi status pelaksanaan setiap dasar untuk tempoh 2018 hingga 2019," katanya.

Ahmad Zahid juga berkata, tindakan intervensi dalam kalangan kanak-kanak terutama di peringkat sekolah menjadi keutamaan bagi memupuk gaya hidup aktif dan pemakanan yang sihat supaya terus menjadi budaya hidup hingga dewasa.

"Langkah ini wajib dilaksanakan kerana perubahan tingkah laku dan pembudayaan gaya hidup sihat bermula daripada awal usia kanak-kanak bagi mewujudkan rakyat Malaysia yang sihat dan produktiviti tinggi," katanya.

**Ahmad Zahid ketika mempengerusikan Mesyuarat Jawatankuasa Kabinet Persekutuan Hidup Sihat yang turut dihadiri Menteri Kesihatan, Datuk Seri Dr S Subramaniam di Bangunan Perdana Putra, Putrajaya, semalam.**

**AKHBAR : UTUSAN MALAYSIA****MUKA SURAT : 9****RUANGAN : DALAM NEGERI**

## Penjual hasil tembakau dalam Facebook didenda

KUALA LUMPUR 22 Dis. - Keputusan Mahkamah Petaling menjatuhkan hukuman denda RM6,000 atau penjara enam bulan terhadap seorang pemuda yang didapati bersalah menjual hasil tembakau secara dalam talian pada Rabu lalu seharusnya dijadikan pengajaran oleh orang ramai.

Ketua Pengarah Kesihatan, Datuk Dr. Noor Hisham Abdullah berkata, lelaki berusia 23 tahun itu didapati melanggar beberapa peraturan termasuk pengiklanan hasil tembakau, penjualan hasil tembakau kepada remaja di bawah umur serta amaran kesihatan bergambar pada kotak rokok.

Menurut beliau, pendakwaan terhadap pemuda terbabit dilakukan setelah Jabatan Kesihatan Selangor mengesan kegiatannya menjual hasil tembakau melalui laman *Facebook*.



NOOR HISHAM

"Kita turut mendapati transaksi jualan dalam talian melibatkan pelbagai jenama hasil tembakau. Malah, ada yang dijual dengan harga serendah RM11," katanya dalam satu kenyataan di sini hari ini.

Dalam perkembangan berkaitan, Noor Hisham menasihati orang ramai yang ingin bermula secara dalam talian agar memahami keperluan undang-undang.

Ini kerana jelas beliau, perbuatan menjual hasil tembakau secara dalam talian perlu dikawal bagi memastikan orang ramai, khususnya remaja tidak dapat membeli atau memiliki hasil tembakau dengan mudah.

"Memberi ruang untuk mendapatkan rokok adalah salah satu sebab gejala berkenaan masih berlaku dalam kalangan remaja," jelasnya.

**AKHBAR : UTUSAN MALAYSIA****MUKA SURAT : 4****RUANGAN : DALAM NEGERI**

## Komitmen tangani trend penyakit NCD diperlukan

**PUTRAJAYA 22 Dis.** - Setiap kementerian, jabatan dan agensi kerajaan perlu memberi komitmen penuh kepada pelaksanaan dasar persekitaran hidup yang sihat bagi menangani trend peningkatan penyakit tidak berjangkit (NCD).

Timbalan Perdana Menteri, Datuk Seri Dr. Ahmad Zahid Hamidi berkata, meskipun Kementerian Kesihatan menerima peruntukan RM27 bilion dari Bajet 2018 untuk menampung beban penyakit NCD, namun langkah pencegahan jangka panjang wajar dilakukan.

Ujarnya, peningkatan kos rawatan di hospital dan klinik swasta antaranya telah menyebabkan rakyat beralih ke kemudahan kerajaan.

“Kerajaan boleh membina jumlah hospital yang lebih banyak dan meningkatkan jumlah kemudahan dan anggota kesihatan tetapi tanpa usaha membangunkan polisi ke arah persekitaran hidup sihat dan peranan

aktif lain-lain kementerian dan agensi, adalah mustahil untuk mencegah penyakit NCD dengan berkesan,” katanya.

Beliau berkata demikian dalam satu kenyataan selepas mempengerusikan Mesyuarat Jawatankuasa Kabinet ke Arah Persekitaran Hidup Yang Sihat (JKPHS) di Bangunan Perdana Putra di sini hari ini.

Menurut Ahmad Zahid, antara beban penyakit NCD yang dibincangkan dalam mesyuarat hari ini adalah peningkatan kes dan kos rawatan bagi penyakit seperti diabetes, hipertensi, hipertolesterolemia dan obesiti.

“JKHPS memfokuskan kepada pelaksanaan polisi ke arah persekitaran hidup sihat yang telah dipersetujui di peringkat Mesyuarat Jemaah Menteri dan usaha-usaha pencegahan NCD.

“Sebanyak 13 polisi ke arah persekitaran hidup yang sihat telah dibincangkan bagi status pelaksanaan setiap polisi untuk tempoh 2018-2019,” katanya.

**AKHBAR : UTUSAN MALAYSIA****MUKA SURAT : 10****RUANGAN : DALAM NEGERI**

## Kandungan susu bayi tiruan diketahui dalam masa terdekat

**MELAKA 22 Dis.** - Keputusan kajian mengenai kandungan susu bayi tiruan yang dirampas oleh Kementerian Perdagangan Dalam Negeri, Koperasi dan Kepengguanan (KPDNKK) di Johor baru-baru ini bakal diketahui dalam masa terdekat.

Menteri Kesihatan, Datuk Seri Dr. S. Subramaniam berkata, pihaknya sedang menunggu keputusan kajian daripada KPDKKK dengan kerjasama Kementerian Kesihatan untuk mengenal pasti apakah kandungan sebenar susu tiruan itu.

"Kita perlu mengetahui kandungan dalam susu tiruan itu dan adakah ia mempunyai kesan buruk terhadap kanak-kanak sehing-

ga menyebabkan seorang bayi muntah teruk selepas minum susu jenama tersebut seperti dilaporkan.

"Selain itu, beberapa tindakan proaktif juga telah diambil oleh KPDKKK termasuk memastikan tidak ada lagi susu tiruan tersebut dalam pasaran bagi mengelak kes sama berulang," katanya.

Beliau yang juga Presiden MIC berkata demikian ketika ditemui pada majlis Sambutan Krismas



S. SUBRAMANIAM

anjuran MIC peringkat negeri di Dewan Hang Tuah di sini malam tadi.

Jelas Subramaniam, Kementerian Kesihatan akan mendapatkan keputusan kajian secepat mungkin dan dari pada asas keputusan itu, pihaknya akan mengambil langkah susulan yang bersesuaian.

"Kita akan terus menjalinkan kerjasama bersama KPDKKK untuk mencari punca bagaimana ia boleh berlaku, dari mana stok susu tiruan itu diper-

oleh pihak yang bertanggungjawab dan sebagainya supaya tindakan boleh diambil di bawah kuasa KPDKKK dan Kementerian Kesihatan," ujarnya.

Selain itu, beliau turut meminta rakyat meningkatkan kesedaran mengenai kepentingan memeriksa dahulu kandungan susu bayi yang ingin dibeli di pasaran dengan memastikan ia bukan barang tiruan agar bebas daripada risiko penyakit dan sebagainya.

"Saya juga ingin nasihatkan, kalau mereka minum mana-mana jenis susu ini dan ada kesan sampingan, sila dapatkan nasihat dan rawatan doktor secepat mungkin," tambahnya.

AKHBAR : NEW STRAITS TIMES

MUKA SURAT : 9

RUANGAN : NEWS

ENCOURAGING HEALTHY LIVING

# Policies on preventing NCDs given emphasis

**PUTRAJAYA:** Health policies aimed at preventing non-communicable disease (NCD), especially among schoolchildren, will given priority.

Deputy Prime Minister Datuk Seri Ahmad Zahid Hamidi said despite an allocation of RM27 billion for the Health Ministry under the 2018 Budget, the public health system would be stressed in the long run if policies for disease prevention were not given emphasis.

"The escalated costs of private healthcare have seen the public turning to government hospitals for treatment, meaning a significant chunk of the budget is going to an area where prevention is a better option," said Zahid.

He said this after chairing the Cabinet committee on Healthy Living Conditions here yesterday.

The Cabinet committee comprises all ministers, deputy ministers, ministry secretary-generals, the Chief Secretary to the Government and representatives of related agencies.

Zahid said NCDs such as diabetes, hypertension, hypercholesterolemia and obesity, ram-



*Deputy Prime Minister Datuk Seri Dr Ahmad Zahid Hamidi chairing the cabinet committee meeting on Healthy Living Conditions in Putrajaya yesterday. With him is Health Minister Datuk Seri Dr S. Subramaniam (left). PIC BY AHMAD IRHAM MOHD NOOR*

pant among schoolchildren, were diseases that could be prevented through awareness and policies that focused on the importance of healthy lifestyles and living conditions, beginning in schools.

The committee, he said, discussed 13 policies to be announced soon, aimed at promoting active and healthy lifestyles

among schoolchildren as a means to prevent the rise of NCDs.

"Intervention, especially in a school setting, is important to encourage active lifestyles and healthy living from a younger age, so as to develop a generation that grows into healthy adults."

Meanwhile, Health Department director-general Datuk

Noor Hisham Abdullah said a 23-year-old man was found guilty by the court in Petaling Jaya for the illegal sale and promotion of tobacco products to minors using his Facebook account.

The man was said to have sold packets of cigarettes for as low as RM11 per packet. Various brands were seized from his premises in Petaling Jaya on Oct 19.

Noor Hisham said the Health Department urged the public to be wary of such operations catering to the youth, particularly making tobacco products accessible to minors.

Noor Hisham advised the public to adhere to the extension of deadline of the moratorium for the registration of medical devices to June 30.

He said there would be no further extensions to the deadline and action would be taken against those found to be operating unregistered medical devices would see action taken against them under the Medical Devices Act 2012 (Act 737).

The import, export and sale of medical devices not registered under the Act will also be prohibited from June 30 onwards.